

تورک پورسی

نومرو ۲

تشرین ثانی ۱۳۴۰

جلد ۱

آنقره ده باصلحه باره لر

آنقره شهری آثار عتیقه جهتیله پک زینکیندر . هر هانکی جهتنده طوبراق برآز قاریشدریله جق ویاخود سطح زمینه احاله نظر دقت ایدیه جک اولسه پک اسکی دوره لره عائد چناق ، چوملاک پارچه لرینه یازیلی ، رسمی ، نقشی بنا وقبر طاشلرینه تصادف اولنور . بعضاً یوللرده خرابه لرده باقرباره لر بولنور . حتی مالیه وکالته مخزن اوراق اولمق اوزره زنجیرلی جامعنک شمال جهتی قارشو کوشه سنده تمیل حضر اولنورکن بر بیزانتین آلتونی [۱] بولوندی . غالات قراللری (دیو تارپوس) ک (آمیه ناس) ک یاخود روما استیلا سندن صوکره روما ایمپراطورلری تامنه یونان قدیم حرفلریله آنقره ده کیلمش باقر ، کموش پاره لردن دکل سلجوقیلرله اولنلری ولی ولعقیب ایدن دولتلر زماننده مضروب پاره لردن بحث ایتمک آرزو سنده ایم . بوباره لرك تعریفه باشلامان اول برآز آنقره تاریخنن بحث ایتمک ایجاب ایده جکدر : آنقره نك تأسیسی قدیمدر . حتی فریکیا قراللرندن میداس Midas طرفندن اساسی وضع اولندیغی مرویدر . فریکیانک اقسامندن اوله رق برمدت دوام ایتدیکندن وپیوک اسکندر و اخلافه تابع اولدقدن صوکره غولوالرك ورودی اوزرینه تشکل ایدن غالاتیا خطه سنک باشلیجه اوچ مرکزندن بری اولمشدر . پسینونتوس [۲] تاویوم [۳] دیگر ایکیسیدر .

رومالیلرك همتیله غالاتیا قراللیغی بالالزام توسیع ایدیش فقط بووسعت موجب افلا کتی اولمش وروما ایمپراطورلغی بودولتی ده یوتمشدر . روما ایمپراطورلخنک

[۱] بویزانتین آلتونی روم قیصرلرندن هراقلیوس ایله هراقلیوس قسطنطین وهراقله ثوناسک سکة مشترکه سیدر . بوباره نك برطرفنده اشبو اوچ ایمپراطورك قائماً تصویرلری دیگر طرفنده درت قدمیه مستند برصلیب رسمی وزیرنده CON,OB حرفلری وصلیک صول و صاغ طرفلرنده Victoria AUG کله لری واردر . CON قسطنطینه و OB ابربر (خالص آلتون) ه رمزدر .

[۲] پسینونتوس خرابه سی سیوری حصار جوارنده بالا کوبنده در .

[۳] نفس کوی

شرق و غرب ايمپراطورلقلرينه انقسامنده غالاتيا شرق ايمپارلنى اجزاسندن اولس،
اوزون برمدت ايرانيلىك تغلبنه كچمش، بالا آخره خلفاي راشدين دورنده باشلايه رق
امويلر، عباسيلر زماننده غزوات صائقهده [۱] آنقره دفعا الله اسلامارك الله
دوشمش ايسهده صورت قطعيهده اسلام ممالكندن اوله رق آلتى دانشمنديلره
قونيه سلجوقيلرينه نصيب اولاييلمشدر. دانشمنديلرك آنقرهده پاره كسيدردكلرينه
دائر برقيده تاريخى مصادف نظر عاجزى اولمادىنى كچي بويله بر پارهده نه كوردم،
نهده ايشيتدم.

شيمدى يه قادار كوره بيلديكم مسكوكاته نظراً آنقرهده كسيلنك اسكى
سلجوق پارهسى قليج آرسلان ثانى اولادندن آنقره ملكى محى الدين مسعود كدر.
مشاراليه ملكك ۵۹۸ تاريخى كموش برسكسنى استانبولده محروق زاده مرحوم
جعفر بك ده كوردم سنه لردن برى بو كموش پاردنك براشنى داها كورمك قسمت
اولمادى.

باقر ياره لرينه كلنجه بونلردن استانبول آثار عتيقه موزه سنده [۲] و خصوصى
قولكسيونلرده واردركه وجهنده وظهرنده برر مريع ايچنده شو عبارده لر محروردن:

ضرب	تسعين
البد الضعيف	مسعودين
المحتاج الى هذا	قليج آرسلان
رحمة الله	بن مسعود

قطارى ۳۹

كرك استانبول موزه سنده كرك خصوصى قولكسيونلرده بوياره لردن يكرمى
قادارنى كوردم. فقط هيچ برنده محل ضرب و تاريخى تمام دكلدر. انكلتره
موزه سى مسكوكات اسلاميه قتالوغنك اوچنچى جلدنك قرق سكزنجى صخيفه سنده

[۱] صائقه صيفنددر. ياز اولنجه غزايه كلنيرلر، شهرلر آليرلر كويلرى يغما ايدوب
قيش كلنجه صيچاق مملكتلره دونرلر ايدى. بوسيله مبنى اشبو حربلره غزوات صائقه
ديشمدر. براقيان جزئى بكجيلرى غير مسلملر افنا ايدرايدى. عثمانيلرده بحارستانده
وايلرولرنده بولر زده حرب ايتشدر.

[۲] موزه، مسكوكات قديمه اسلاميه قتالوغنى، قسم رابع، صخيفه ۱۲۲، نومرو ۱۵۲

بویاره نك برعینی قونیه سلجوقیلرندن مسعود اولك اولق اوزره تعریف ایدیلشدر.
حالبوکه مسعود اولك پدری قلیج آرسلان اول ایسهده جدی مسعود اولمایوب
سلیمان بولنسنه و دیگر امثالنده کوریلن سنه ضربلر سلطان مسعود اولك سلطنتی
ایامنه موافق اولمامسنه مبنی آنقره ملکی ملک قاهر محی الدین مسعود کدر.

بوملك مسعودك آنقردهده حکمران اولمش اولدیغنه مسکوکاتندن ماعدا دیگر
برائر تاریخچی دهها موجوددرکه اوده حصارده علاءالدین جامعی منبری قیوسنك
اوزرنده کی شوکتابه تاریخچهدر :

۱ الملك القاهر محي الدنيا والدين

۲ ملك بلاد الروم واليونان ابونصر

۳ مسعود بن قلیج آرسلان فی صفرسنه اربع تسعين خسته

ارومی یعنی رومیله ابراهیم بن ابوبکر اسمنده کی برنجارک اثر مهارقی اولان
بومنبر آنقره نك دیگر ایکی منبری کی آثار بدیعهدندر. [۱]

قلج آرسلان ثانی حال حیاتنده ممالکنی اولادی آراسنده تقسیم ایله مش
وبوتقسیمده آنقره محی الدین مسعوده اصابت ایتمش ایدی . پدرلری صاغ ایکن برادرلر
بربرینه دوشدیلر. وفاتندن سوکره البویوک قرده شلری توقات ملکی ایکنجی سلیمان

[۱] بوا یکی منبردن بری آرسلانخانه جامعندهدر. کتابه سی شودر :

۱ عمرالجامع المبارك فی ایام السلطان الاعظم غیاث الدینوالدین ابی الفتح مسعود بن کیکاوس
خلدالله سلطانه

۲ بتوفیق رب الانام الاخوان صاحب الفتوة والمروء مدالله عمرهم فی شهر سنه تسع
وثمانین وسماء

۳ خالصالله تعالی وطلباً لمرضاته تقبل الله منهما الحسنات وتجاوز عنها السيئات

ایکتنجیسی اخي الوان جامعندهدر . کتابه سی :

۱ الحمدلولی الحمید جدد هذاالجامع المبارك فی ایام السلطان الاعظم مولی ملوک العرب والعجم
نصرة الغزاة

۲ ولجاهدین قاهر الکفرة والمشرکین سلطان محمد خان بن بایزید خان بن مراد خان
خلدالله ملکه وایدولته فی شهر سنه ستة وعشر وثمانائة

۳ صاحب الخیرات الحاج الوان محمد بك بن الحاج مجدالدین عیسی بن نظام الدین هزارتقبل الله
منه حسنات

شاه برادر دیکر برادر لرینک ملک لرینی الدہ ایدوب تقسیمدن اولکی وحدتی میدانه کتیرمکه چالیشدی . آنقرده محی الدین مسعود استقلالنی محافظه ایتکده ایدی . سترجه محاصرهیه مقاومت ایتدی . بالاخره مسعود ، برادرینه صیغندی . سلیمان نقض عهد ایله مسعودی شهدا زمره سنه الحاق ایتدی . بالاده تعریف اولنان سکدرله منیر مسعودک مستقلاً حکمران اولدینی ایامک یادکارلیدر .

سلیمان ثانی آنقرده ضبط ایله قونیہ سلجوق دولتنک وحدتی حصوله کتیرد کدن صوکره کرجهستان فتحه کیتدی . مغلوباً عودتنده تأثرندن اولدی . یرینه بک کوچوک اولان اوغلی قلیچ آرسلان ثالث اقامه ایدیلدی . برآز صوکره عموجه سی کیخسرو اول کلدی ، ممالکی یدندن نزع ایتدی . کیخسرو اول ایام نکبتده آجی تجربه لر کورمش اولدینندن ممالکی حسن اداره ایتدی . خارجاًده فتوحانده بولندی . آنطالیه یی ضبط ایتدی . آلاشهر حوالیسینی فتح ایتک اوزره ایکن شهید اولدی (۶۰۷) . اوغللرندن عزالدین کیکاوس اول ملاطیہده وکیباد اول توقانده بولنقده ایدی . علاءالدین کیکباد بویوک برادرندن اول زمام حکومتی آله آلتی ایستدی . ایکی قردهش قیصری اوکنده حربه طوتوشدیلر . کیکاوس اول یاننده کی رجالک تدابیر حسنه سیله غالب کلدی . کیکباد اول مغلوباً آنقرده التجا ایتدی . برقاج سنه آنقردهده محصور قالدی . بومحصوریتی هنکامنده ملک منصور کیکباد عنوانیه مصور باقرسکدر ضرب ایتدی . استانبول آثار عتیقه موزه سنده موجود ۲۱۱ نومرولو بوباقر پاره نک وجهنده :

الناصرلدين الله امير المؤمنين

عبارة سنک زیرنده صاغه متوجه برسواری تصویر ی اولوب آتک صاغ طرفنده یولنان برآرسلانی مزراق ایله اورمقدهدر .

ظہرندہ



الملك المنصور
کیباد بن کیخسرو
نصیر المؤمنین

مذکور موزه قتالوغنک دردنجی قسمندہ دردنجی لوحه ده بو پاره نك رسمی واردر . کقباد اولی آنقره ده محاصره ایدن کیکاوس اول محاصره مدتیجه اقامت ایتک اوزره شهره یقین بر سرای یاپدیردی ، شهری آلابیلورایسم بورای مدرسه یاپیم ، دیه عهد ایتدی . شهری آلدقن صوکره عهدینه وفا ایله مدرسه یاپدی ، وقفلر تعیین ایتدی . کقباد اول ۶۱۶ ده پادشاه اولنجه مدرسه نی ییقیدیردی وقفلر نی ابطال ایتدی . نمازگاه بومدرسه نك یری اوله جقدر [۱] . کقباد اول بویوک برادرینک ارتحالی اوزرینه ۶۱۶ ده تحت دعوت اولندی . ۶۳۴ سنه سنه قادار سورن سلطنتنده آنقره ده سکه کسیدیردیکنه دائر بر نمونه الدہ ایدمده . مخدومی و خلفی کیخسرو ثانی نك آنقره ده کسيلمش باقر سکه لری کورولمشدر . استانبول آثار عتیقه موزه سی قتالوغنده ۴۴۹ ، ۴۵۰ نومرولرده بوپاره لردن ایکی عدد موجود در که ۴۴۹ نومرولر نك وجهنده :

ظہر نده :

ضرب بانقر [۵]

السلطان الاعظم

کیخسرو بن

کقباد

قطری ۲۱

لااله الا الله

محمد رسول الله

۱۰۵۶ هجری

یازیلدر .

عزالدین کیکاوس ثانی نك دفعه ثانیہ سلطنتنده (۶۵۵ دن ۶۵۸) آنقره ده کموش پاره ضرب ایدلمش واستانبول موزه سنده ۵۸۳ ، ۵۸۴ ، ۵۸۵ نومرولرده ۶۵۵ تاریخی اوچ عددی بولمقده در .

[۱] بن بی تاریخ نك مختصر نده بوقعه شوبله تصویر اولتور :

« سلطان برابر شهر مدرسه بیاد نهاد که اگر فتح میسر گردد برانجا وقفها کند و فقهارا صرفه دارد و اگر در توقف افتد جهت اقامت سرای عمارت فرمود باشد چون انکوره مستخلص گشت بعهده و نذر و فائود و وقفها کرد و چون نوبت سلطنت بعلاء الدین رسید مردم قبه و ابطال اوقاف مثال داد و لکن اطلال آن مدرسه هنوز باقی است . »

— ۵۸۳ — [۱]

ظہر نندہ :

السلطان الاعظم
ظل الله في العالم عزرا
لدينا والدين كيكاموس
بن كيخسرو ضرب هذه
الدرهم بانقره
وزني ام قطري ۲۳

وجہندہ

لااله الا الله
محمد رسول الله الامام
المستعصم بالله الميراث
متين سنة خمس
خمين ستائنه

— ۵۸۴ —

تقشچہ ۵۸۳ نومرودن فرقلیدر .

وزنی ۱۴ ط ۲۲

— ۵۸۵ —

بالادہ کنہ مشابہ ایسہدہ کنارلری قسماً کیسکدر .

وزنی ۱ - ۲ ۱۴ قطری ۲۱

آقردہدہ ضرب اولمش اولان سلجوقی مسکوکاتندن معلوم اولانلر بونلردن
عبارتدر . برکون بونلردن ماعدا پارہلردہ ظہور ایدہ بیلور .

[۱] استانبول آثار عتیقہ موزہ سی نومروسیدر .

(صوکی وار)

تورک تاریخی انجمن اعضاسندن
حرث وآثار عتیقہ مفتشی

احمد نوری